



UNIVERSITÄTS-
BIBLIOTHEK
PADERBORN

**Exercitia S. P. Ignatii Via Ad Salutem Et Perfectionem
Propriam & alienam, Tuta & perpetuo tenenda**

Ignacio <de Loyola>

Hildesii, 1713

VD18 13664689

§phus II. Harum Perfectionum Exaggeratio.

[urn:nbn:de:hbz:466:1-60348](#)

Respectiva

1. Communicativus sui & suorum &c.
2. Verax.
3. Fidelis, sincerus.
4. Benevolus & liberalis.
5. Misericors benignus.
6. Longanimis.
7. Affabilis & exorable.
8. Providus.
9. Præsens.
10. Suavis.
11. Amabilis.
12. Justus bonis, malis.
13. Beatificans & satians.

Officia.

1. Principium & creator
2. Redemptor, Author statūs supernaturalis.
3. Conservator, & agens in omnibus.
4. Gubernator.
5. Providentia.
6. Dominus.
7. Finis.
8. Prædestinans & vocans.
9. Regula & exemplar.
10. Protector.
11. Adjutor.
12. Pater, Frater, Sponsor &c. omnes tituli amoris.
13. Judex & merces bonorum & malorum,

præsentibonitate exercet Deus, ac si in te solum.

Harum perfectionum legenda sæpe & expendenda declaratio, V. g. apud P. Lessium, de perfectionibus Divinis. P. Lud. de Ponte. Parte 6. Med. Ex Libello cui titulus, Aspirationes Theologicæ, aliisque similibus.

*SPHUS H.***HARUM PERFECTIONUM
EXAGGERATIO.**

Primo: Exaggerantur plurimū perfectiones Dei ex magnitudine, ordine, excellentiā, con-

stantiâ rerum, quæ ex illis profectæ sunt in cœlis & in terra; quòd tot & tanta indies, sine numero exudent, ipsæ nihil minuantur, eadem ac æquè infinitæ, etsi omni momento millies plura & meliora & in æternūm exeant. Sic augetur V. g. Sapientia & potentia Dei.

Secundò : Comparari potest una perfectio Dei V. g. Pulchritudo cum omni omnium existentium & possibilium pulchritudine. Hæc omnia continet & infinitè superat inferiora, tanquam non sint.

Tertiò : Comparari potest una perfectio cum alia magis nota : V. g. Spem concepturus de bonitate & fidelitate Dei erga te ; cogita æquè magnam æquè certam esse bonitatem & fidelitatem Dei erga te, atque potentia est : Quàm hæc infinita! quàm certa! cogita hac majorem, certiorrem. Si non potes ; cogita tantam esse Dei in te benignitatem & fidelitatem, & vehementer confide, magnâ fiduciâ, quæ digna sit, & gloria tantæ bonirati &c.

Quartò : Omnes perfectiones in infinitum auget singularum *infinitas*, concepta & aliquo modo declarata per multiplicationem cubicam. V. g. Si ponas videre te primo momento visionis beatificæ unum gradum Divinæ pulchritudinis, altero momento duos ; tertio momento duos cubicè multiplicatos, jam erunt 4. quarto momento videoas 4. gradus cubicè multiplicatos ; jam

jam videbis 16. quinto momento videoas 16. gradus cubicè multiplicatos, jam erunt 256. sexto momento videoas 256. gradus cubicè multiplicatos, jam erunt 65536. quanto illa visio te obruet stupore! quid, si sic pergeres tali multiplicazione singulis momentis totius æternitatis! Obruereris admiratione & gaudio. Atqui tot, quasi gradus, pulchritudinis Dei sunt, actu existentes, nunquam exauriendi omnibus omnium Angelorum & hominum novos gradus combinantium calculo æterno. Tantæ nunc sunt Divinæ omnes perfectiones.

Quinto: Adhuc magis exaggerantur singulæ perfectiones, si una combinetur cum omnibus aliis arte combinatoriâ. Sic enim unaquævis infinita per alias infinitas plus quam infinitè crescit, cum sit idem cum illis, & earum excellentiam imbibat, ac toties excellat infinites magis, quoties cum nova infinita cogitatur indentificata. V.g. Providentia erga te, & fidelitas est infinita, (scilicet illo modo, quo dictum est n. 4) hæc eadem providentia & fidelitas est idem cum *sapientia* pariter *infinita*, cum *potentia* pariter *infinita*, cum *bonitate* & *pulchritudine* pariter *infinita* &c. atque ita de aliis. Quam amabilis Dei erga te providentia & fidelitas! Quam stupenda! Quid si jam cogites *pulchritudinem* & alias perfectiones, quibuscum idem esse ponitur providentia & fidelitas, esse denuò non suâ solùm infinitate, sed aliarum communicatione infinitas, quam infinita

evadet, quām amabilis, æstimanda providentia & fidelitas. Hoc modo æstimari potest quivis Dei titulus *Pater bonus &c.*

Sexto: Colligitur etiam stupenda, timenda simul, & amanda summè Divinarum perfectionum excellentia, ex poena unius peccati mortalis etsi momentanei, contra Deum admissi. De quo vide Med. de peccat. Ex eo etiam, quòd omnium damnatorum æterna infelicitas (imò si omnes creaturæ possibiles simul æternū damarentur) nihil obsit Divinæ infinitæ felicitati & perfectioni, sítque coram illo, tanquam non sit.

Septimo: Cogitet demum aliquis, quod potest & optat in aliquâ perfectione optimum V. g. in Dei benignitate &c. mox per fidem pro certo habeat, cum gaudio hoc & plura esse & infinita.

NB. Eadem infinitas & excellentia Divinarum perfectionum auget quasi in infinitum excellentiam earum rerum, quæ Dei sunt quâdam ac supernaturali ratione & relatione V. g. Matris Dei, amoris Dei in te, amicitiæ & gratiæ Dei, visionis ac possessionis Dei, voluntatis Dei, offensæ Dei, &c. supra omnem scilicet excogitabilitam amicitiam, gratiam &c. Cujus comparatione omnia alia in nihilum disparent; adeoque cetera & creata omnia ac te ipsum in infinitum atque in nihilum deprimit hæc Dei & divinarum perfectionum excellentia.

Sphus